

KJP POLJOPRIVREDNO DOBRO

BUTMIR



Sarajevo, Bojnička 119, Ilidža

KANTONALNO JAVNO PREDUZEĆE

„Poljoprivredno dobro Butmir“ d.o.o. Sarajevo-Ilidža

Por.br:0135005200; PDV br:200087410009; ID br:4200087410009;

Općinski sud u Sarajevu, Rješenje o upisu br:UF/I-993/05;

Sjedište, ul.Bojnička 119.,Ilidža; tel:033/621-286; fax:033/621-160; www.pdbutmir.com;

KRIZNI PLAN PRIPRAVNOSTI
(zbog opasnosti od širenja zarazne bolesti uzrokovane korona virusom-
Covid 19)

Ilidža, novembar 2020.godine



Na osnovu člana 40. Statuta KJP “Poljoprivredno dobro Butmir” d.o.o. Sarajevo-Ilidža br.331/2010 od 27.05.2010.godine, a u skladu sa naredbom Kriznog stožera Federalnog ministarstva zdravstva broj: 01-33-4000/20 od 07.07.2020.godine i naredbe Kriznog štaba Ministarstva zdravstva Kantona Sarajevo broj: 45-20/20 od 04.07.2020.godine, Uprava KJP “Poljoprivredno dobro Butmir” d.o.o. Sarajevo-Ilidža donosi

KRIZNI PLAN PRIPRAVNOSTI

(zbog opasnosti od širenja zarazne bolesti uzrokovane korona virusom-Covid 19)

I

Ovim planom definiše se način rada i poduzimanje svih higijensko-epidemioloških mjera kao i preventivnih mjera, odnosno postupanje KJP “Poljoprivredno dobro Butmir” d.o.o. Sarajevo-Ilidža (u daljem tekstu: Preduzeće) za vrijeme trajanja naredbi i preporuka donesenih od strane Kriznih štabova Federalnog ministarstva zdravstva i Ministarstva zdravstva Kantona Sarajevo, zbog opasnosti od širenja zarazne bolesti uzrokovane korona virusom-Covid 19.

II

Preduzeće je dužno pojačati provođenje opštih i posebnih mjera zaštite od zaraznih bolesti, shodno Zakonu o zaštiti stanovništva od zaraznih bolesti Federacije BiH (“Službene novine FBiH” broj: 29/05), sa posebnim akcentom na pojačanu i vanrednu dezinfekciju poslovnih površina i sredstava za rad. Preduzeće je dužno obezbjediti dovoljnu količinu sredstava za dezinfekciju kao i drugu neophodnu zaštitnu opremu (maske, rukavice i sl.), a sve u skladu sa donesenim naredbama i preporukama od strane nadležnih organa.

III

Radnici su dužni da održavaju svoje radne prostore čistim prema protokolu za borbu protiv bolesti uzrokovane korona virusom-Covid 19, odnosno da redovno dezinfikuju svoj radni prostor i sredstva rada najmanje 2 puta tokom radnog vremena. Radni prostor potrebno je redovno provjetravati.

IV

Ukoliko se zatvoreni prostor koristi za održavanje sastanaka potrebno je napraviti pauzu između sastanaka u trajanju od najmanje sat vremena od prethodno održanog sastanka, kako bi se prostor mogao očistiti, provjetriti i dezinfikovati.

V

U kancelarijama i prostorima gdje boravi više od jednog radnika, obavezno je nositi zaštitne maske za lice bez izuzetka.



VI

Održavanje poslovnih, radnih ili drugih sastanaka, sjednica, na kojima bi bilo potrebno prisustvo više radnika ili drugih učesnika, svodi se na najmanju moguću mjeru, uz primjenu telefonske i/ili e-mail komunikacije.

Ukoliko je neophodno održavanje sastanaka/sjednica, potrebno je među učesnicima osigurati distance od najmanje 2 metra, uz neophodne epidemiloške-zaštitne mjere.

VII

Ukoliko radnik uoči simptome (temperatura, suhi kašalj, otežano disanje, gubitak čula okusa i/ili mirisa i sl.) kod radnog kolege, a isti to ranije nije sam prijavio, dužan je odmah obavijestiti neposrednog rukovodioca, koji dalje preduzima radnje (obavještenje epidemiološke službe, odstranjivanje radnika sa radnog mjesta i dr.), a sve u skladu sa naredbama i preporukama Kriznog štaba Federalnog ministarstva zdravstva i Ministarstva zdravstva Kantona Sarajevo.

VIII

Radnici su dužni da vode računa o osobama s kojima su bili na udaljenosti manjoj od 2 metra, odnosno duže od 15 minuta ("bliski kontakti") u zadnjih 48 sati, odnosno da evidentiraju osobe sa simptomima ili na drugi način označe tu osobu ukoliko bude potrebno da te podatke saopće epidemiološkim službama.

IX

Higijenski radnik je dužan da najmanje 2 puta dnevno dezinfikuje zajedničke prostorije Preduzeća, te da iste provjetri.

Portiri su dužni da prilikom evidentiranja stranaka koji žele da uđu u krug Preduzeća izmjeri temperaturu sa aparatom koji se nalazi u portirnoj kućici, te ukoliko ustanove da stranka ima temperaturu ili neki drugi simptom vezan za Covid 19 o tome odmah obavijesti neposrednog rukovodioca, koji će dalje razmotriti da li će se stranka pustiti u krug preduzeća.

X

Rad sa strankama se organizuje uz osiguranje protoka stranaka na način da se omogući potrebna fizička distanca od najmanje 2 metra između stranaka uz poštivanje ostalih epidemioloških-zaštitnih mjera (maska za lice bez izuzetka, korištenje dezinfekcionog sredstva na ulazu u službene prostorije Preduzeća).

Ulazak i izlazak u službene prostorije Preduzeća organizuje se na način da stranke ulaze naizmjenično, jedna po jedna, bez dužeg zadržavanja.

Obavijest o navedenom postupanju iz ove tačke obavezno je istaknuti na ulazna vrata prostorija Preduzeća.

XI

Skupljanje i zadržavanje u radnim prostorijama mimo svog radnog mjesta, potrebno je svesti na minimum i isključivo radi obavljanja poslovnih zadataka.

Preporučuje se da uposlenici međusobno komuniciraju putem e-maila i telefona.

KJP POLJOPRIVREDNO DOBRO

BUTMIR



Sarajevo, Bojnička 119, Ilidža

KANTONALNO JAVNO PREDUZEĆE

„Poljoprivredno dobro Butmir“ d.o.o. Sarajevo-Ilidža

Por.br:0135005200; PDV br:200087410009; ID br:4200087410009;

Općinski sud u Sarajevu, Rješenje o upisu br:UF/I-993/05;

Sjedište, ul.Bojnička 119.,Ilidža; tel:033/621-286; fax:033/621-160; www.pdbutmir.com;

XII

Nadzor nad provođenjem Kriznog plana pripravnosti vrše rukovodioci Službi i Uprava Preduzeća.

Svi zahtjevi za nabavke neophodne za provedbu Kriznog plana pripravnosti donosi Uprava preduzeća na preporuku rukovodioca Službi.

Sve komentare i/ili pritužbe vezano za nepoštivanje propisanih mjera uposlenici mogu prijaviti rukovodiocima Službi ili putem maila: kabinetdirektora@pbutmir.com.

XIII

Krizni plan pripravnosti može se promijeniti u skladu sa epidemiološkom situacijom, te naredbama i preporukama Federalnog ministarstva zdravstva, Ministarstva zdravstva Kantona Sarajevo, Federalnog štaba civilne zaštite i Štaba civilne zaštite Kantona Sarajevo.

XIV

Krizni plan pripravnosti stupa na snagu danom donošenja i isti će biti objavljen na oglasnim pločama Preduzeća.

Nepridržavanje navedenih mjera predstavlja kršenje zakona o zaštiti stanovništva od zaraznih bolesti FBiH ("Službene novine FBiH" br.29/05).

Broj: 01-4-64/2020

Ilidža, 11.11.2020.godine

V.D. DIREKTORA

Hasan Đozo, dipl.ing.polj.